

Sakspapir

Sakshandsamar	Arkiv	ArkivsakID
Sveinung Toft	FE-130	20/582

Saknr	Utval	Type	Dato
118/2022	Formannskapet	PS	05.12.2022
	Kommunestyret	PS	

Høyring og offentlig ettersyn - «Interkommunal plan for sjøareal i Region Nordhordland»

Vedlegg:

Journalposttittel	Dato
IKP sjø Nordhordland kontordag - høyring	21.11.2022
Interkommunal plan for sjøareal i Region Nordhordland - høyring	21.11.2022
Høyringsbrev	21.11.2022
Planskildring	21.11.2022
Føresegn	21.11.2022
Heile planområdet	21.11.2022
Planområdet Alver	21.11.2022
Planområdet Masfjorden	21.11.2022

Rådmannen sitt framlegg til vedtak:

Masfjorden kommune har ikkje vesentlege merknader til den interkommunale planen for sjøareal for region Nordhordland utover følgjande kommentar:

- Dersom utvidinga av akvakulturlokaliteten nord for Einestrand vert godkjent (ikkje råka av motsegn), rår ein til at eksisterande lokalitetar (areal vist med rosa og blåfarge går ut i endeleg plan.

Saksopplysningar:

Bakgrunn og fakta:

Det Interkommunale planutvalet gjorde følgjande vedtak (vedlagt) i møte 06.11.2022 i sak 25/22:

«I medhald av plan og bygningslova § 5- 2 legg det Interkommunale planutvalet den interkommunale planen for sjøareal for Region Nordhordland med plankart, planskildring og føresegnar på høyring og

offentleg ettersyn med dei endringane som vart bestemt i møte.»

Kva saka gjeld:

Kommunane Alver, Austrheim, Fedje, Gulen, Masfjorden, Modalen, Osterøy og Vaksdal har i fellesskap utarbeida eit forslag til interkommunal plan for sjøareala i kommunane (planen), jf. plan og bygningslova (pbl.) §§9-1, 9-2 og 9-3. Det interkommunale planutvalet (IKPU) har fått mynde til å sende planen ut på høyring og offentlig ettersyn. Planen bygger på rammene i planprogrammet som vart vedteke av IKPU juni 2021.

Interkommunal plan for sjøareal er ein plan på kommuneplannivå, jf. pbl. kap. 9. Det skal fastsettast juridisk bindande arealbruk med føresegn og retningslinjer. Den interkommunale planen vert presentert samla, men kvar kommune skal til slutt gjere vedtak om sitt sjøareal som bygger på ein samla regional plan. Planen er utarbeidd etter planprosessreglane, jf. pbl. kap. 11.

Kva område gjeld planen for:

Planområdet omfattar sjøareala i kommunane Alver, Austrheim, Fedje, Gulen, Masfjorden, Modalen, Osterøy og Vaksdal. Planområdet gjeld berre sjøområda. Det vil seia frå flo-målet i elveosar, vassflata, vassøyla ned og sjølve sjøbotn. Avgrensing ut i sjø er 1 nautisk mil utanfor grunnlinja og etter rammene elles i hamne- og farvasslova.

Målet med planen

Eit hovudføremål med planlegging etter plan- og bygningslova, er å fremja berekraftig utvikling og bidra til samordning av statlege, regionale og kommunale oppgåver. Areal- og samfunnsplanlegging er ein sentral del av kommunane sitt arbeid med samfunnsutvikling. Denne planen skal vere ein arealplan for sjøareala, der heilskapen blir ivaretatt over kommunegrensene, og at det kan utviklast langsiktige rammer for berekraftig arealbruk, forvaltning og verdiskaping i sjøområda. Planen skal munne ut i ein juridisk bindande plan på kommuneplannivå.

Høyringsfrist for merknader er sett til 6. desember 2022. Kommunar, som treng meir tid på grunn av politisk handsaming, får forlenga frist i desember.

2.1. Planområde



Fig.1 Planområdet

Planområdet omfattar sjøareala i kommunane Alver, Austrheim, Fedje, Gulen, Masfjorden, Modalen, Osterøy og Vaksdal.

Planområdet gjeld berre for sjøområda. Det vil seia frå flo-målet i elveosar og ned til sjøbotn. Avgrensing ut i sjø er 1 nautisk mil utanfor grunnlinja (sjå Fig.2).

Planområdet omfattar ulike sjøområde, frå open eksponert kyst til meir beskytta fjordar, store fjordbasseng og opne sund. Djupne, botntopografi, utskifting av vatn og eksponering varierer i stor grad.

Liste med plandokument er lagt ved saka:

- [IKP sjø Planskildring 20102022](#)
- [IKP sjø Føresegn 20102022](#)
- [IKP sjø KU og ROS 20102022](#)
- [IKP sjø KU og ROS vedlegg 20102022](#)
- [IKP sjø kjelder 20102022](#)
- [IKP sjø Kunnskapsgrunnlag 20102022](#)
- Plankart for Masfjorden (eitt pr kommune er produsert, og eit for heile planområdet):

Planskildringa er det dokumentet som viser hovudkonklusjonane i planen som no er sendt på høyring. 13 arealendringar er føreslått i Masfjorden kommune, jf. Side 52 og tabell 14 i den vedlagde planskildringa. Dette omfattar

4 akvakulturanlegg (3 utvidingar (Duesund, Ådnekvam, Einestrand/Kvingo og nytt ved Totland.
3 hamneområde inkludert næring (i og ved Nordkvingevågen)
6 småbåtanlegg/hamn (Solheim (1), Hosteland (3), Giljane (1), Skjelsundet (1)).

Nedunder er lokaliteten ved Einestrand vist, saman med tidlegare godkjente lokalitetar. Den nye er vist med fiolett farge. Den rosa og den blå ligg inne i eksisterande kommuneplan som godkjente lokalitetar.



Vurdering

Administrasjonen har vurdert planframlegget, og meiner at det er eit balansert framlegg til arealbruk i sjø som no er på høyring. Dei viktigaste innspelane som gjaldt næringsareal er teke med i planframlegget, og eksisterande akvakulturlokalitetar har fått rom for naudsynte utvidingar. At ikkje alle innspel som vart sendt inn frå Masfjorden kommune er kome med, har sin forklaring i konflikt med andre arealinteresser, mellom anna farleier og fiske med vidare.

Dersom utvidinga av akvakulturlokaliteten nord for Einestrand vert godkjent (ikkje råka av motsegn), rår ein til at eksisterande lokalitetar (areal vist med rosa og blåfarge går ut i endeleg plan). Då vil ein oppnå at framtidige anlegg kjem lenger bort frå eksisterande og planlagde bustadhus lenger sør på Einestrand, slik at eventuelle arealbrukskonfliktar knytt til lys- og støypåverknad vert redusert.

Dersom det politisk er ønske om fleire endringar i planen, er det høve til å ta det med i høyringsfråsegna. Alle framlegg vil verta vurdert særskilt av arbeidsgruppa/ planutvalet, og vert

endringane mange i eit revidert plandokument, kan det medføre nye høyring (avgrensa eller full), noko som kan medføre at planarbeidet vil strekkast meir ut i tid.

Konklusjon

Masfjorden kommune har ikkje vesentlege merknader til den interkommunale planen for sjøareal for region Nordhordland som no er på høyring, men ein rår til at dersom akvakulturlokaliteten nord for Einestrاند vert godkjent (ikkje råka av motsegn) , rår ein til at eksisterande lokalitetar (areal vist med rosa og blåfarge går ut i endeleg plan).

Formannskapet - 118/2022

FS - behandling:

Saka vart drøfta.

Ordførar orienterte om at det var sendt inn eit innspel til planen frå to grunneigarar i Andvik om tiltak i sjø. Formannskapet samla seg om at innspel frå GNBR 28/2 og 28/9 skulle meldast som kommentar til planen og at formulering og kartutsnitt vert lagt fram i kommunestyremøtet.

Framlegg til vedtak vart samrøystes tilrådd til kommunestyret.

FS - vedtak:

Masfjorden kommune har ikkje vesentlege merknader til den interkommunale planen for sjøareal for region Nordhordland utover følgjande kommentarar:

- Dersom utvidinga av akvakulturlokaliteten nord for Einestrاند vert godkjent (ikkje råka av motsegn), rår ein til at eksisterande lokalitetar (areal vist med rosa og blåfarge går ut i endeleg plan).